

欽定盛京通志卷之五十六

名宦 四 忠節附

明

欽定盛京通志

卷五十六

目錄

一

欽定盛京通志卷之五十六

名宦

四

忠節附

明

吳立南直隸鳳陽人。洪武四年故元遼陽行省平章劉益降以立為大都督府斷事官持詔往招諭因為遼東指揮遷蓋州衛指揮僉事再破納克楚屢有軍功立守蓋州二十餘年治城郭練甲兵課農興學周恤疾苦夙夜勤勞兵食饒足政事修舉人多頌之。國語納克楚舅也原作納哈出今譯改。

欽定盛京通志

卷五十六

名宦四

一

房昂里貫未詳本元遼陽行省左丞洪武初與右丞張良佐並隸平章劉益部下力贊益奉表歸欵益既降復為故元平章洪保保所害昂與張良佐悉捕其黨馬彥翬等送京師斬之迎吳立鎮撫軍民攝遼東衛事太祖以立與良佐昂俱為指揮僉事共守蓋州後調東寧衛皆有勞績未幾納克楚至見城有備越蓋州至金州敗還昂等乘勝追擊斬獲甚眾

張良佐里貫未詳元遼陽行省右丞洪武四年

屯兵金州。壘土爲城。後力贊劉益歸附。詔以良佐爲蓋州衛指揮僉事。攝遼東衛事。納克楚來犯。良佐擊敗之。獲鼐爾布哈於火焰山。調復州衛僉事。改金州衛。帝嘉其功。賜蟒衣四襲。侍卒三人。後大學士解縉爲撰耆德紀。年九十五卒。

鼐爾。蒙古語解。見黑龍江城池卷。布哈。語解。見名宦卷。原作乃兒不花。今譯改。

馬雲南直隸合肥人。葉旺南直隸六安人。洪武四年。俱爲都指揮使。由登萊渡海。頓兵金州。招降元叅將葉廷秀。攻走平章高嘉努。及納克楚。

欽定盛京通志

卷五十六

名宦四

二

進至遼東。完城繕兵。一方遂安。八年。納克楚犯遼東。雲與旺守禦嚴密。元兵知有備。徑趨金州。時州城未完。指揮韋富督勵士卒。分守諸門。射其驍將朮喇呼。擒之。納克楚由祚河遁。葉旺先移兵祚河。自連雲島至窟駝寨十餘里。沿河疊冰。以水淋之。經宿凝結如城。藏釘板於沙中。設陷馬筭於平地。伏兵以待。已而元兵至。方過城南。礮發。伏起。兩山旌旗蔽空。矢石如雨。敵兵倉皇北奔。趨連雲島。遇冰城。馬不能前。皆入筭中。

衆遂大潰。馬雲亦於城中出兵追擊。至將軍山必瑠河。納克楚僅以身免。論功。雲旺並加都督僉事。分鎮遼東。高嘉努。原作高家奴。鼯喇呼。原作乃刺吾。蒙古語。必瑠。礪石也。

原作畢栗。今俱譯改。

周鶚。南直隸懷遠人。洪武初。以功陞西安衛都指揮僉事。後調安遼右衛。馬雲葉旺聞其勇。致之幕下。有攻伐。必委任之。屢有勞績。及卒。賜祭其家。

徐便。湖廣黃岡人。嗜學。有武畧。洪武時。以精兵從葉旺。捍禦有功。陞海州衛指揮僉事。復陞遼東都指揮僉事。

曹鳳。南直隸臨淮人。洪武時。以功調廣寧中屯衛指揮同知。始築城池。開創衛治。撫恤士卒。仕至都指揮同知。

裴伊。實特穆爾女直人。沈毅有勇畧。洪武時。授百戶。懋戰有功。陞千戶。後又以功陞三萬衛指揮僉事。訓練士馬。勞來遠人。尋陞指揮同知。裴伊

實特穆爾。唐古特語。伊實。智慧也。特穆爾。語解。見名宦卷三。原作裴牙失帖木兒。今譯改。

韋富。湖廣黃岡人。洪武八年。以功陞指揮同知。調金州衛指揮。行軍制勝。頗有勞績。是年冬。納克楚數萬衆圍金州。時城池未完。富與指揮王勝。督士卒樹柵補城。分守諸門。敵蟻附欲登。富令城中男女。以瓶盛沸惡於城上擲之。著人無不糜爛。敵驍將鼐喇呼。率精騎數百。挑戰城下。中伏。弩仆。獲之。富縱兵追擊。遂敗走。乃完城郭。繕甲兵。創衛治。置屯戍。宣布恩信。撫綏勞來。功績甚著。

關忠。河南獲嘉人。洪武中。以功陞瀋陽中衛指揮僉事。創治之初。能以撫恤爲事。政理民安。家給人足。吏民懷之。

程通。南直隸績溪人。洪武庚午。舉鄉試。授遼府長史。燕王將舉兵。通上封事。謀備兵入援。及正大統。械通詣京師。殺之。後祀表忠祠。

本朝乾隆四十一年。

賜諡節愍。

忠節附載

劉斌。南直隸崇明人。永樂初。以靖難功。授指揮。

使進都指揮僉事。備禦寧遠。築城建衛。時值歲
儉。外禦邊陲。內撫軍士。政理民安。甚有能聲。
孟善。山東海豐人。永樂元年。以保定侯鎮守遼
東。在鎮七年。遠人欽附。

劉江。南直隸應天府人。永樂進士。十七年。任遼
東總兵官。巡視諸島。相地形於金州衛之望海
塢。築城堡。立烟墩。一日。望者報倭至。江令官軍
赴塢備之。明日。倭船數千。直逼塢下。江犒師秣
馬。伏兵山下。遣壯士潛燒賊船。截其歸路。令曰。

旗舉砲鳴。伏兵奮擊。不用命者。軍法從事。已而
賊至。伏兵盡起。倭大敗。奔櫻桃園空堡中。將士
請入堡勦殺。江仍分兩翼夾攻。斬殺無遺。自是
倭不敢犯遼。

王祥。河南固始人。宣德時。以都指揮僉事任廣
寧開府。僉書修築寧遠蒲河等城。掌遼東事。恤
下興學。頗多善政。

巫凱。南直隸句容人。幼穎異。七歲賦牡丹詩。十
九歲。代父百戶職。宣德初。以都督僉事充總兵。

官鎮守遼東。敵掠西山。凱擊敗之。盡得所掠者。降勅褒勉。時朝廷勤遠畧。造舟松花江。招諸部。地絕遠。轉輸大困。凱力請罷之。已而造舟役復興。中官阮堯民都指揮。劉清等董之。所爲多不法。凱劾堯民等下之吏。凱性剛毅。饒智畧。馭衆嚴。而有恩。在遼三十餘年。威惠並行。邊務修飭。前後守遼者皆莫及。正統三年卒於官。

曹義。南直隸儀真人。襲指揮。永樂間召從征。著奇績。尋平茶陵梅花洞蠻。陞中軍都督僉事。正統時代巫凱鎮遼東。廉介有守。開擴邊疆。遼人安焉。累功封豐潤伯。世襲。

王翱。直隸鹽山人。正統七年以右僉都御史提督遼東軍務。時遼東將屢失機。翱以軍令久弛。因諸將庭謁。責以失律罪。命左右曳出斬之。皆惶恐叩頭願効死贖。翱乃躬行邊。自山海關抵開原。繕城垣。浚溝塹。五里爲堡。十里爲屯。使烽燧相接。練將士。恤鰥寡。軍民大悅。又以邊塞孤遠。軍餉匱乏。緣俗立法。令有罪得收贖。人皆便。

之

文廣。南直隸江都人。正統時。以署都指揮僉事。備禦寧遠。諾延犯邊。廣率兵窮追。遇伏。中流矢死。贈鎮國將軍。忠節附載。諾延。語解見名宦卷二。原作朶顏。今譯改。

李榮。南直隸江都人。正統時。守備塔山。追敵至利州。大戰長坡。自午至暮。不少挫敵。棄所掠遁。邊境以安。學士仇謙為賦塔山李將軍歌。

趙忠。遼陽人。官廣寧右衛指揮僉事。守鎮靜堡。正統十四年。敵圍堡甚急。忠乘城力戰。歸語其

欽定盛京通志

卷五十六

名宦四

七

妻曰。若城破。吾不苟活。汝母子當自裁。敵攻益急。訛言城陷。妻女皆縊死。攻圍凡兩晝夜。以堡堅解去。守臣上忠全城功。陞指揮同知。賜金為

妻女營墓。表其門曰忠節。忠節附載。

鄒溶。南直隸盱眙人。累陞錦州衛指揮同知。調開原備禦。修城壘。開河道。展關廂。創馬市。俱有能聲。

程信。南直隸休寧人。正統進士。歷遼東左叅政。再陞僉都御史。巡撫遼東。造戰車。儲芻粟。稽侵

漁察奸細。號令一新。時僉事朝鼎發都指揮夏霖四十罪。信奏之。以與都御史寇深有隙。深誣劾信不當。代奏。及責陳狀。又不輸罪。下詔獄。後釋爲南京太僕寺少卿。卒於南京兵部尚書任。諡襄毅。

劉孜。江西萬安人。正統進士。授御史。巡按遼東。景泰初。有建南遷議者。孜馳奏。乞斬言者。以定人心。期滿當代。朝議邊務方殷。孜能懾服將吏。復留一歲。

李善。陝西隴州人。正統進士。巡按遼東。太監韋朗侵漁兵餉。縱其下奪人妻孥。聞善至。遂屏息。論劾都督王鍇。孫貴罷去。豪右斂跡。

滕昭。河南汝州人。天順時。巡撫遼東。經畧要害。申飭將卒完城繕兵。加意學校。廣詢民瘼。痛革奸貪。及還朝。遼民遮道。無不流涕。

王崇之。河南滑縣人。天順進士。知上海縣。擢御史。時遼陽數有邊警。戰備廢弛。士卒飢寒。崇之按遼。調劑振作。切中機宜。以不屈於太監汪直。

謫延安府推官。

莊鑑。遼東人。成化初。襲定遼右衛指揮使。驍勇有膽。決遇敵輒奮。數有功。官至都督同知。

李秉。山東曹縣人。成化二年。以左都御史。提督遼東軍務。節用愛民。恩威並濟。斥遠烽火。拔擢將材。劾鎮守中官。及總兵失律罪。出都指揮裴顯於獄。又舉指揮崔勝。傅海等。軍令肅清邊境。又安。

鄧佐。遼東人。官定遼前衛指揮使。儀表魁梧。天

資剛勇。善騎射。有膽力。提督軍務王翱薦之。擢署都指揮僉事。成化三年春。隨總兵施英。按奉集堡。遇敵二千餘。佐率五百騎為前鋒。奮擊敗之。追至蘇珠埒。峻山四壁。復殺數人。鼓戰而前。敵併力鏖戰久之。有一校策馬西走。衆遂潰。惟餘五十騎。佐悉令下馬。扼其歸路。督戰益急。右手拇指剔。並見骨。餘卒死傷畧盡。佐知不可為。遂引佩刀自刎。五十人無一生還者。報未至。遼人遙見。佐乘馬挾弓。鼓吹前導。自東而回。僚屬

皆出迎。竟不至。佐家亦聞鼓吹聲入門。老少驚惶逆之。竟不見。事聞。詔有司立祠致祭。忠節附載。

胡珍里貫未詳。成化四年。任指揮使。時摩囉歡

犯遼東。珍奮勇突入。戰沒於陣。又三萬衛都指

揮劉旺與其子俱戰歿古城堡。忠節附載。國語摩囉歡眼圓

野也。原作毛里孩。今譯改。

常潤里貫未詳。任定遼中衛指揮。成化中。遇寇

於平頂山。與指揮劉璘。耿秩。高臣。趙昂。康繼宗。

俱力戰死之。忠節附載。

欽定盛京通志

卷五十六

名宦四

十

彭誼。廣東東莞人。成化四年。以右副都御史。巡

撫遼東。時鎮守中官橫徵諸屬衛。誼下令。凡文

牒不經巡撫審定者。所司毋輒行。虐斃為息。戶

部檄所司開黑山金場。力奏罷之。誼平居謙厚

簡默。臨事毅然有斷。鎮遼八年。軍令振肅。後四

疏告歸。

歐信。里貫未詳。世職金吾衛。成化七年。充總兵

官。鎮守遼東。累破扶餘三衛。被獎。言者謂信雖

廉。已老。請召還。巡撫彭誼奏。官軍耆老。皆言信

忠謹有謀勇。累立戰功。威振邊陲。年雖六十。騎射勝壯士。乃留鎮。

馬文升。河南鈞州人。成化十二年。以兵部右侍郎。提督遼東軍務。巡撫陳鉞貪而狡。將士小過。輒罰馬。馬價騰湧。文升上邊計十五事。因請禁之。鉞於是與文升有隙。文升還部。鉞以掩殺冒功。激變。帝命文升往馳至鎮。宣璽書慰撫。無不聽撫者。事方定。而鉞諂事中官汪直。日夜譖文升。直因誣奏文升。遂下詔獄。謫戍重慶衛。直敗。

復起爲左副都御史。巡撫遼東。凡三渡遼。軍民聞其來。皆鼓舞。禁抑中官總兵。使不得朘削民生。衆咸德之。後擢官尚書。卒贈太師。

強珍。直隸滄州人。成化初。以御史巡按遼東。初遼東巡撫陳鉞啟釁召敵。敵至。務爲欺蔽。巡按王崇之劾鉞。鉞謀之汪直。誣逮崇之。下詔獄。及直鉞用兵。方論功。而敵大入。匿不以聞。鉞遂入爲戶部尚書。珍往巡按。請正鉞罪。帝弗從。未幾。指揮王全等誘殺諾延衛人。珍發其狀。直方自

矜有大功。聞珍疏怒。誣珍所核皆妄。坐謫戍遼東。居三年。直敗。復官。

王嵩。河南汲縣人。成化進士。巡按遼東。舉行朱文公家禮。喪禁佛事。遂至成俗云。

李貢。南直隸蕪湖人。成化進士。巡撫遼東。先是貢巡遼。有惠政。及遼人聞其再至。如望歲焉。會劉瑾惡之。勒令致仕。貢喜曰。今日皇甫規得與黨人矣。

李英。其先盧龍人。遷義州。成化中。為廣寧中屯衛指揮。歷左軍都督僉事。充右叅將。分守錦義二城。講武恤士。訓練之暇。以書史自娛。敦尚古禮。建祠宇。謹祭祀。一以朱子為法。在任七年。百度具舉。

韓斌。直隸順義人。成化時。為遼東協鎮。展陽明臺水閘嶺諸屯堡。復於清河地方。設立城堡。置備禦官。操練防守。建鴉鵲關。以限內外。遼界遂潤。

王銘。錦州人。成化中。守備寧遠。講武練軍。重修

二城廟學。甲辰有寇警。銘率精騎捲甲直趨百餘里。遏其歸路。盡獲所失人畜而還。自是數年無犯境者。

許進。河南靈寶人。成化進士。分巡遼東。風裁凜然。中官屏息。辨疑折獄。人頌神明。尋擢右僉都御史。巡撫大同。身係天下安危。善類賴之。

王宗彛。直隸束鹿人。成化進士。官戶部郎。十六年督理遼東糧儲屯種。盡心緯畫。勘斛斗。慎出納。官民兩便。府藏充實。歷陞都察院僉都御史。

巡撫遼東。官戶部尚書。

左鈺。直隸阜城人。成化十九年。巡撫遼東。豪強斂跡。邊境敕寧。

張鼐。山東歷城人。弘治十五年。以右僉都御史。巡撫遼東。時軍政久弛。又許餘丁納貲。助驛遞。給冠帶。復其身。邊人競援例避役。鼐言不可。因條上核屯糧。清隱占。稽容戶。減軍裨數事。悉允行。尋劾分守中官劉恭等貪虐罪。築邊牆。自山海關迄開原。駿陽。凡千餘里。遼撫白徐貫。後歷

張玉陳瑤韓重四人。多得罪去。至鼐稱能。正德初。移撫宣府。

馬中錫。直隸故城人。成化進士。武宗時巡撫遼東。召還。後朝廷遣使覈遼東芻糧。使承劉瑾意。謂腐損過多。歸咎中錫。械繫遼東責償。東人聞其至。咸願代輸。中錫固謝之。盡鬻田廬。稱貸以完。所著有東田文集。東田漫稿十四卷。行世。

張貫。直隸蠡縣人。成化進士。歷陞按察使。以忤劉瑾謫官。叅議。旋起右副都御史。正德八年。巡撫遼東。謹烽燧。明斥堠。兵馬芻粟。城隍整堡。卒有成效。璽書褒之。

韓澄。直隸高陽人。弘治進士。分巡遼東。時妖人李真等作亂。澄捕誅之。邊境以寧。

翟敬。山西猗氏人。弘治進士。初授翰林檢討。屢遷遼陽行太僕寺少卿。廉清勤慎。歸時。囊無餘錢。惟衣襪而已。

張文明。山西陽曲人。正德進士。官巡按遼東。政尚太體。寬恤小民。吏畏其威。民懷其惠。

劉成德。山西蒲州人。正德進士。按遼東時。修舉廢墜。奏開儒學貢舉。置雅樂射禮。親書聖賢牌位。重修學宮。政績甚著。

李承勛。湖北嘉魚人。正德中。以右副都御史。巡撫遼東。時邊備久弛。開原尤甚。士馬纔十二。墻堡墩臺。傾圮殆盡。將士依城塹自守。承勛疏請修築。會世宗立。發帑銀四十餘萬。承勛命步將四人。各一軍守要害。身負畚鍤。先士卒。凡爲城塹。各九萬一千四百餘丈。墩堡百八十有二。招逋逃三千二百人。開屯田千五百頃。又城中固鐵嶺蒲河。撫順邊防甚固。又數陳軍民利病。咸報可。

許宗魯。湖廣咸寧人。正德進士。嘉靖三十年。巡撫遼東。歸民地之占於軍者。遼人感其德。

王舜漁。南直隸常熟人。正德進士。歷官山東按察司僉事。興利除弊。不遺餘力。時國計告匱。遼東軍職俸食。不得時給。射利者於中行賂網利。舜漁廉得之。卽發其奸。遼人頌之。

謹按明時遼東隸山東省。

王舜漁雖未專任遼東官職。然其官山東按察時。實有德政於遼。故附載。

劉大謨。河南儀封人。正德進士。巡按遼東。嚴明端正。剔蠹除奸。時鎮守太監貪殘無厭。因大謨收其左右。繩以法。乃賂近侍。誣奏大謨。逮詔獄。遼士民自遼陽抵山海。哭留遮道不絕。謫龍德典史。尋遷僉都御史。巡撫山西。政蹟著聞。

許逵。河南固始人。正德進士。以樂陵知縣。平流賊功。超陞山東按察使僉事。分巡遼海東寧道。禮賢愛民。聽獄詳明。尋陞江西按察使副使。宸濠之變。不屈死之。諡忠節。

曾銑。南直隸江都人。嘉靖十四年。擢巡按遼東。時都御史呂經。苛急爲政。軍士遂叛。銑按部至復州。聞變。卽還入城。開諭禍福以安之。是月。丙申。廣寧撫順兵變。銑各檄示撫安。密授諸將。以計謀擒渠魁。七月甲子。銑行射禮。文武畢至。忽出袖中姓名。分令官卒捕之。逾時縛八人。至明日。擒撫順爲變者七人。計殺廣寧賊首。擒十二人。不假兵革。三城肅清。遼人廟祀之。

馬永直隸遷安人。嘉靖十四年爲遼東總兵官。遼東自軍變後。首惡雖誅。漏網者衆。悍卒無所憚。動懷不逞。廣寧卒佟伏張鑑等。乘旱饑倡衆爲亂。諸營憚永無敢應者。伏等登樵樓。鳴鼓大噪。永率家衆仰攻。盡殲之。永善用兵。且廉潔。卒於官。遼人爲罷市立祠。

王之誥。湖北石首人。嘉靖間。以右僉都御史。巡撫遼東。大興屯田。每營墾田百五十頃。役軍四百人。列上便宜八事。行之。

欽定盛京通志

卷五十六

名宦四

十七

李涑。直隸容城人。嘉靖中。爲遼東副總兵。居官公廉。無娣衣甘食。禁所部毋苛斂。一軍德之。

殷尚質。直隸天津衛人。嘉靖中。爲遼東副總兵。就進充總兵官。三十五年。達喇蘇以十餘萬騎入廣寧。尚質禦之塔兒山。殊死戰。力屈而死。贈少保。左都督。諡忠敏。

忠節附載。蒙古語。達喇蘇。黃酒也。原作打來孫。今

譯改。

閻懋官。定遼右衛人。嘉靖中。爲中路遊擊。三十五年。達喇蘇以十餘萬騎入廣寧。總兵殷尚質。

急率懋官禦之塔兒山。敵先突懋官營。不爲動。乃馳攻尚質。懋官馳救。遂戰死。初懋官父振先爲參將。陣亡。懋官繼之。世濟忠貞。事聞。贈都督同知。廕子立祠。忠節附載。

周斯盛。陝西寧州人。嘉靖進士。巡按遼東。時霪雨盛。禾湮沒。軍民饑甚。亟開倉賑給。索庫得贖金。併可貸者萬餘兩。訪素有積貯者。量予之金。俾出穀平糶。更疏請發帑賑濟。全活甚衆。土寇犯廣寧。斯盛身先士卒。戰六晝夜。卒安定之。

欽定盛京通志

卷五十六

名宦四

十六

賈冕。廣寧衛人。襲世職。指揮。尋舉武進士。署都指揮僉事。爲中路遊擊將軍。嘉靖三十八年。寇犯遼陽南。抵海州。冕督軍往禦。力戰死焉。贈都督僉事。諡忠壯。忠節附載。

張鏊。江西南昌人。嘉靖進士。生平清苦。終始一節。任遼東苑馬卿。比去。遼人爲立生祠。

王本固。直隸邢臺人。嘉靖進士。以剛直忤嚴嵩。嵩每求所以中傷之。會遼左饑。奉命賑濟。給米六萬石。以騾車運。意謂緩不及事。將加以罪。本

固奏一半折銀。濟遼陽遠地。一半本色。濟廣寧近地。凡再閱月而完。遼左安焉。

趙孔昭。直隸邢臺人。嘉靖進士。爲監察御史。出按遼東。時遼將李錡不法。倚仇鸞恣橫。人莫敢言。孔昭毅然劾之。

馮顥。山西高平人。嘉靖時任遼陽僉事。清操卓行。世所罕見。凡歷數任。止攜一僕而已。

傅霖。山西忻州人。嘉靖進士。任遼海兵備道二年。著有循績。

楊行中。直隸通州人。嘉靖進士。選授御史。按遼東。巡撫呂經激遼陽兵變。兵部請勦。行中疏請榜示諸城。令亂者自相捕。以贖罪。上嘉納之。事得寢。

翟繡裳。山西聞喜人。嘉靖進士。任兵部主事。條陳邊計。多見舉行。陞遼海東寧道。有撫順守備。以白金貂皮行賄。卽揭正其罪。墨吏震悚。

李松。直隸大城人。嘉靖進士。官至寧前道。威惠並施。歷十二年。晉秩至右都御史。撫遼三年。軍

民悅戴。

黑春。其先建州人。世職廣寧指揮使。以功進署都指揮僉事。歷遼陽副總兵。嘉靖四十一年。王果導寇分入春禦之。身自搏戰。殺數十人。敵棄資仗遁。詔進三秋。頃之。寇掠陽站堡。春逆擊。乘勢逐之。陷伏中。寇知其驍將。圍之數重。春與把總田耕等。力戰二晝夜。援師不至。死之。贈都督僉事。諡忠壯。忠節附載。

楊照。字明遠。前屯衛人。都督鎮之孫。嗣世職爲

欽定盛京通志

卷五十六

名臣四

三

前屯衛指揮使。嘉靖中。以功累遷遼東總兵官。屢立戰功。嚴嵩怒。照不輸賄。解職。嵩敗。朝廷以宿望起之。四十二年。蒙古深入金海。諸衛總兵官吳瑛不能禦。詔罷瑛。以照代。其秋。又聚衆廣寧塞外。謀大入。照率諸將由鎮夷堡。分道掩之。夜失道。去塞六十里。遂爲敵所困。力戰。中矢死。照忠勇負氣。撫士有恩。嘗涅盡忠報國四字於背。誓以死自効。起官數月間。屢戰皆捷。竟殞於陣。贈少保。左都督。諡忠壯。忠節附載。

線補袞寧遠衛人。世職衛指揮。歷官進寧遠叅將。嘉靖四十四年。敵攻小團山。補袞擊却之。追至黃土臺。敵大至。圍之數重。補袞與遊擊楊維藩。鏖戰良久。補袞手殺數人。面中二矢。鏃出腦後。突圍還營。數日而殞。詔贈都督僉事。忠節附載。楊維藩。照叔父。結髮從父在行間。屢効首功。積官指揮僉事。擢廣寧鎮武營遊擊。痛照陣亡。誓滅敵雪恥。嘉靖四十四年。蒙古萬餘騎攻鎮武。維藩兵不滿千。迎之於境內蓮子湖臺。與衆誓

曰。此死地也。血戰或生。遂進戰。殺敵幾半。手刃數十人。力竭死之。詔贈都督僉事。與線補袞並立祠祭祀。子襲職。贈三秩。忠節附載。

王治道。錦州衛人。嘉靖間。由世廕。歷薊州叅將。四十四年。擢遼東副總兵。進署都督僉事。充總兵官。隆慶初。以屢立戰功。進署都督同知。時遼土荒殘。武備積廢。治道與巡撫魏學會。修築沿邊牆堡。自廣寧迄瀋陽。隆慶四年。實該巴雅呼等。犯錦州大勝堡。治道與叅將郎得功。上馬追

年。陳戰守機宜十策。後父母喪。皆廬墓。有白雀來巢之異。蒙古語烏塔。烟也。原作兀堂。今譯改。

宋應昌。浙江仁和人。嘉靖進士。神宗壬辰。日本關白。舉二十六島之衆。突入朝鮮。國王李昖走竄義州。八道三韓。殘破幾盡。聲言內犯。京師戒嚴。詔拜應昌兵部右侍郎。經畧薊遼等處。防海禦倭。時經畧創設提督大將軍李如松。尚羈寧夏。兵食皆缺。詔書督促。部署出關。應昌即誓衆。蹈冰渡江。明年春正月。兵薄平壤門。其三門外。

欽定盛京通志

卷五十六

名宦四

三

布蒺藜。火器齊發。毒煙蔽空。官軍攀附而上。倭將平行長遁回王京。應昌知王京城南有龍山倉。朝鮮糧儲所在。夜令死士以火箭燒之。倭兵食無資。乃棄王京遁去。連追敗之。朝鮮遂寧。萬世德。山西偏頭關人。隆慶進士。才智膽畧過人。時倭犯朝鮮。世德以邊才進秩。巡撫都察院御史。經理朝鮮。遂集將士謀大舉。命董一元等統精兵。直逼釜山。大有斬獲。焚倭船七百餘隻。招回朝鮮難民五千六百餘口。捷聞。特命總督。

薊遼尋遷右都御史兼兵部右侍郎總督如故。世德在薊遼。惟以息事寧人爲務。寬大簡靜。以疾卒於官。

梁夢龍。直隸真定人。神宗六年。總制薊遼。首除鎮軍疾苦。簡軍實。修馬政。築城壘。烽堠。慎擇將領。以功蔭子錦衣衛千戶。

李化龍。直隸長垣人。神宗二十二年。擢右僉都御史。巡撫遼東。受事甫兩月。巴圖爾與巴雅爾等寇鎮武。又約土蠻子布延台吉犯右屯。化龍

欽定盛京通志

卷五十六

名臣四

十四

與總兵董一元定計。先擊巴圖爾。敗之。各解去。

邊塞讐服。

蒙古語。巴圖爾。勇也。原作巴都兒。巴雅爾。喜也。原作排押兒。今俱譯改。

董一元。宣府前衛人。神宗時。充遼東總兵官。二十二年。巴圖爾等入寇。一元與總督李化龍用計。遣副將馳右屯禦西部。親將大軍。匿鎮武外。爲空營待之。寇騎深入。笑以爲怯。官軍忽從中起。奮呼陷陣。寇大奔。逐北七十餘里。至白沙碣。斬獲無算。巴雅爾中矢死。諸部奪氣。捷聞。進左都督。後又提健卒。踏冰渡河。抵其巢。多斬獲。巴

圖爾死。餘衆散亂。諸部悉遠遁。以功進世廕二秩。

馮時泰。山西汾州人。神宗時。任廣寧道兵備叅議。守正不阿。築大定老軍臺堡數十處。區畫有方。及邊隅告警。主帥失機。時泰奉旨勘實。有忤當事。遂被逮。遼民無不稱寃。欲詣闕聲枉。總督顧養謙止之。疏爲時泰申雪。宰相趙志臯等亦交章力爭。竟不白。

劉英。南直隸崇明人。性孝友。簡靜寡言。不事矯

欽定盛京通志

卷五十六

名宦四

三五

飾。由廣寧指揮使累功陞都指揮使。管遼東都司事。歷任旣久。廉能益著。後以年老休致。遼人攀轅留之。

麻貴。山西大同右衛人。神宗二十五年。任備倭總兵。數戰有功。進右都督。予世廕。三十八年。鎮遼東。明年。沿邊有蒙古。以三萬騎入掠穆家堡。貴禦之。敗去。夏。貴引病乞罷。詔乘傳歸。貴果毅驍捷。善用兵。一時稱爲良將。

李植。山西大同人。神宗二十六年。巡撫遼東。懇

土積粟。得四萬畝。歲獲糧萬石。戶部推其法於九邊。

熊廷弼。湖廣江夏人。神宗三十六年。巡按遼東。杜饋遺。核軍實。時巡撫趙楫等。棄寬甸。新疆。徙編民六萬家於內地。廷弼勘得棄地。驅民狀。劾二人罪。歲大旱。廷弼行部金州。禱城隍神。約七日。雨。不雨。毀其廟。及廣寧。踰三日。大書白牌。封劍使使往。斬之。未至。風雷大作。雨如注。遼人以爲至誠。感神。天啓時。爲御史馮三元等劾罷。去

欽定盛京通志

卷五十六

名宦四

三

任。遼士民莫不垂泣。後以廣寧失守。論誅。

本朝乾隆四十八年。特奉

恩旨。錄其裔孫泗先。授教諭。

張承蔭。陝西榆林衛人。官遼東總兵官。神宗四十六年。

大兵破撫順關。承蔭赴援。力戰死。同時戰歿者廣寧副總兵頗廷相。叅將蒲世芳。遊擊梁汝貴。千總王命印。

本朝乾隆四十一年。

賜張承蔭諡忠烈。頗廷相蒲世芳。梁汝貴。俱諡烈愍。
王命印諡節愍。忠節附載。

鄒儲賢。里貫未詳。官廣平副總兵官。神宗四十
六年。

大兵圍清河城。儲賢固守。率親丁戰於城南。死之。又
廣平叅將張施。同時殉節。

本朝乾隆四十一年。

賜鄒儲賢張施俱諡烈愍。忠節附載。

潘宗顏。直隸保安衛人。神宗時。以戶部郎中督

欽定盛京通志

卷五十六

名宦四

三

餉遼東。擢開原兵備僉事。四十六年。總兵官馬
林將出師。宗顏上書經畧楊鎬曰。林庸懦。不足
當一面。乞易他將。以林爲後繼。不然必敗。鎬不
從命。宗顏監林軍。出三岔口營。稗子峪。夜聞杜
松敗。林軍遂譁。及旦。

大兵大至。林恐甚。一戰而敗。策馬先奔。宗顏殿後。奮
呼衝擊。膽氣彌厲。自辰至午。力不支。與遊擊竇
永澄。守備江萬春。贊理通判董爾礪等。皆死焉。
事聞。贈宗顏大理卿。諡節愍。立祠奉祀。

本朝乾隆四十一年。

賜寶永澄。江萬春。董爾礪。俱諡節愍。

忠節附載。

劉綖。江西南昌人。父顯。官都督。屢積軍功。綖勇
敢有父風。以蔭累官至總兵官。於諸軍中最驍
勇。歷平九絲蠻。緬甸。羅雄。朝鮮。倭。播州。建昌。諸
寇。大小數百戰。威名甚著。神宗四十七年。四路
出師。綖出寬甸。進棟鄂路。縱兵圍數重。焚柵寨。
時綖不知杜松軍覆。深入三百里。復整衆進。引
軍登阿布達哩岡。與

欽定盛京通志

卷五十六

名宦四

三六

大兵遇將布陣。

大兵登岡出其上。別以一軍趨綖軍西岡。時岡上

大兵自高馳下奮擊。綖軍殊死戰。而趨西岡者。復從
旁夾擊。綖軍不能支。

大兵乘勢追擊。與綖後隊兩營遇。綖倉卒不及陣。遂
力戰死。養子劉招孫。最驍勇。突圍手格殺數人。
亦死。士卒無脫者。天啓初。贈少保。同時戰死者。
遊擊喬一琦。

本朝乾隆四十一年。

賜劉綎專諡忠壯。喬一琦諡忠烈。

忠節附載。

杜松，南直隸崑山人。幼有膽智，勇健絕倫。從軍累功，至總兵官。神宗四十七年，四路出師，撫順地最衝。松率兵突出，趨薩爾滸谷口。時

大兵方築城界藩，防衛夫役兵僅四百人。聞松至，選精騎伏谷口。俟松軍過半尾擊，至界藩渡口，與築城夫役，各據界藩山之吉林崖。松結營薩爾滸山，而自引軍圍吉林崖。

大兵以右翼二旗兵，與左四旗先攻薩爾滸山，破之。

欽定盛京通志

卷五十六

名宦四

三五

復以右翼二旗兵，與助夫役之兵，渡河夾擊。松軍之在界藩圍吉林崖者，悉殲焉。松力戰，没于陣。同時戰死者，總兵官趙夢麟、王宣。又遊擊龔念遂、李希泌，隨杜松等，遇

大兵於幹琿鄂謨地，力戰俱歿。

本朝乾隆四十一年。

賜杜松、龔念遂、李希泌俱諡忠烈。趙夢麟、王宣俱諡

烈愍。

忠節附載。

馬林，直隸蔚州人。官遼東總兵都督僉事。神宗

四十七年遇

大兵于尚間崖。戰敗還守開原。及城破。死之。子燃亦戰歿。又遼東副總兵于化龍。叅將高貞。遊擊于守志。守備何懋官。經歷張奇策。俱從馬林守開原。城破死之。

本朝乾隆四十一年

賜馬林諡忠烈。于化龍等俱諡烈愍。張奇策入祀忠節祠。忠節附載。

陳輔堯。南直隸揚州人。為永平同知。以轉餉出

欽定盛京通志

卷五十六

名宦四

三

關。駐瀋陽。天啓元年。瀋陽破。輔堯方奉命印烙。左右以無守土責。勸之去。輔堯曰。孰非封疆臣。何為去。望闕拜。拔刀自刎。贈按察使僉事。城破時戰死者。叅將夏國卿。張綱。同知陳栢。

本朝乾隆四十一年

賜陳輔堯諡烈愍。夏國卿。張綱。陳栢。俱諡節愍。

忠節附載。

賀世賢。陝西榆林衛人。神宗時。為瀋陽遊擊。擢義州叅將。四十六年。清河破。世賢駐驍陽。聞變。疾馳出塞救援。天啓元年。

大兵薄瀋陽。世賢悉力守城。法甚具。復出城逆擊。乘銳輕進。倏精騎四合。世賢身中十四矢。城中降丁叛。斷城外弔橋。或勸之走遼陽。世賢曰。吾爲大將。不能存城。何面目見經畧。已而圍急。世賢揮鉄鞭格鬪。殺數人。中矢墜馬死。又尤世功。亦榆林人。官副總兵。與世賢同守瀋陽。聞世賢戰敗。引兵出援。力戰死之。

本朝乾隆四十一年。

賜賀世賢諡忠烈。尤世功諡烈愍。

忠節附載。

欽定盛京通志

卷五十六

名宦四

三

段展。陝西涇陽人。爲自在州知州。駐瀋陽。天啓元年。日暈異常。展牒袁應泰。言天象示警。宜豫防。踰月而瀋陽破。展死之。

本朝乾隆四十一年。

賜諡節愍。

忠節附載。

童仲揆。南直隸人。爲援遼副總兵。時經畧袁應泰。招納蒙古數萬人。仲揆力諫不聽。天啓元年。瀋陽破。仲揆等督川兵赴援。營於渾河橋南。大兵薄其營。力戰死焉。自遼左用兵。將士望風奔潰。

獨仲揆等以萬餘人當之力屈而覆時咸壯之。

本朝乾隆四十一年。

賜諡烈愍。忠節附載。

張名世浙江山陰人天啓元年與援遼總兵官陳策聞世賢世功戰沒統兵援瀋陽遇

大兵於渾河力戰死之宣撫使石柱都司僉書秦邦屏亦以赴援戰死又副總兵戚金叅將吳文傑遊擊周敦吉都司袁見龍鄧起龍守備雷安民俱死於渾河之戰。

欽定盛京通志

卷五十六

名宦四

三

本朝乾隆四十一年俱

賜諡烈愍。忠節附載。

袁應泰陝西鳳翔人官遼東經畧兵部侍郎精敏強毅而短於用兵天啓元年。

大兵破遼陽民皆迎降應泰居城樓知事不濟佩劍印自縊死其僕唐世明大慟縱火焚樓俱死又援遼總兵官楊宗業提兵赴援父子俱死。

本朝乾隆四十一年

賜袁應泰諡忠節楊宗業諡忠烈

楊宗業一作仲業。忠節附載。

高邦佐。山西襄陵人。天啓元年。遼陽破。以邦佐爲布政司叅政。分守廣寧。邦佐知邊事不可爲。乞歸。方報允。而王化貞棄廣寧逃。衆謂邦佐旣請告。可入關。邦佐叱之曰。吾一日未去。則一日封疆臣也。夜作書訣母。策騎趨右屯。謁熊廷弼。言城中雖亂。外間未知。亟提兵入城。斬一二人。人心自定。公卽不行。請授邦佐兵。赴難。廷弼不聽。偕化貞並走。邦佐仰天歎。拉曰。經畧巡撫俱逃。事去矣。松山吾守地。當死此。遂西向拜闕。復自經。贈太僕少卿。

本朝乾隆四十一年。

賜高邦佐。顧頤。俱諡節愍。

忠節附載。

何廷魁。威遠衛人。天啓元年。以副使分巡遼陽。大兵渡濠。廷魁請乘半濟急擊。俄薄城。圍未合。又請盡銳出擊。袁應泰不從。遼陽破。廷魁懷印。率其

妾高氏金氏投井死婢僕從死者六人都司徐國全亦自經公署事聞贈廷魁大理卿諡忠節又總兵官梁仲善副總兵朱萬良俱歿於陣

本朝乾隆四十一年

賜梁仲善朱萬良俱諡烈愍徐國全諡節愍

忠節附載

張神武本姓陳江西新建人坐事論死天啓初薦起從征遼左率親丁二百餘人疾馳至廣寧遼陽已失巡撫薛國用留之不可曰奉命援遼陽非守廣寧也曰遼陽歿矣若何之曰將以死

欽定盛京通志

卷五十六

名宦四

三

難遂獨率所部渡河抵首山去遼陽十七里而軍將士不食已一日遇大兵奮呼迎拒孤軍無援所部俱戰死

本朝乾隆四十一年

賜諡烈愍

忠節附載

張銓山西沁水人天啓初以御史出按遼東遼陽圍急軍潰經畧袁應泰令銓退保河西以圖再舉銓不從堅守三日城破被執不屈遂自縊本朝乾隆四十一年

賜諡烈愍。忠節附載。

崔儒秀。陝西陝州人。天啓元年。為開原兵備僉事。時開原已失。儒秀募壯士。携家辭墓而行。經畧袁應泰。以兵馬甲仗不足。特為憂。儒秀曰。恃人有必死之心耳。遼陽被圍。分守東城。失集如雨。不少却。會兵潰。儒秀痛哭。戎服北向拜。自經。事聞。贈大理卿。賜祠曰愍忠。時經歷朱櫻亦殉難。

本朝乾隆四十一年。

欽定盛京通志 卷五十六

各宦四

三五

賜崔儒秀諡節愍。朱櫻入祀忠節祠。忠節附載

袁崇煥。廣東東莞人。天啓二年。駐守關內。安置遼人之失業者。常夜行荆棘虎豹中。時十三山難民十餘萬。久困不得出。崇煥將五千兵駐寧遠。以壯聲援。別遣驍將救之。三年。督修寧遠城工。成為關外重鎮。崇煥在職勤慎。善撫將士。由是流移駢集。商旅輻輳。遠近望為樂土。

本朝乾隆四十八年。特奉

恩旨。錄其裔孫袁炳。授縣丞。

羅一貫。甘州衛人。官副總兵。守西平堡。時遼陽已破。西平爲要衝。天啓二年。

大兵破西平堡。一貫率三十人與都司陳尚仁。王崇信。悉力守禦。一貫目中矢。矢石火藥俱盡。向北拜曰。臣力竭矣。遂自剄。尚仁等俱死焉。

本朝乾隆四十一年。

賜羅一貫諡忠烈。陳尚仁。王崇信俱諡節愍。忠節附載。

劉渠。直隸保定人。官鎮武總兵。官都指揮使。天啓二年。領兵援西平。遇

欽定盛京通志

卷五十六

名宦四

三十六

大兵於平洋橋力戰死之。又閭陽總兵官西寧。世襲土司祁秉忠。副將劉徵。叅將黑雲鶴同時殉難。

本朝乾隆四十一年俱

賜諡烈愍。忠節附載。

麻承宗。山西右玉人。官遼東副總兵。天啓二年。與

大兵戰於沙嶺。敗死。

本朝乾隆四十一年。

賜諡節愍。忠節附載。

魯之申。里貫未詳。官前鋒副將。天啓五年。遇
大兵於耀州。與叅將李承先同戰死。

本朝乾隆四十一年。俱

賜諡烈愍。忠節附載。

金冠。里貫未詳。官叅將。天啓六年。

大兵畧覺華島。冠死之。

本朝乾隆四十一年。

賜諡節愍。忠節附載。

金啓侗。浙江義烏人。起小吏。勤敏有志畧。天啓

欽定盛京通志

卷五十六

名宦四

三七

六年。

大兵攻寧遠。啓侗以燃礮死。

本朝乾隆四十一年。

賜諡節愍。忠節附載。

張春。陝西同州人。官右副都御史。勵操行。善談

兵。崇禎四年。

大兵攻大凌河新城。時春在永平。監吳襄等軍馳救。

兵敗被執。令薙髮。不從。居古廟。服故衣冠。不失

臣節而死。妻翟氏聞之。絕食六日。自縊死。又副

將張吉甫。滿庫王之敬。

大兵攻錦州。吉甫等兵敗。戰歿於陣。

本朝乾隆四十一年。

賜張春諡節愍。張吉甫。滿庫主之敬。俱諡烈愍。忠節附載

何可綱。遼東人。天啓中。爲守備。典袁崇煥寧遠道中軍。廉勇善撫士卒。以功累遷。署寧遠副將。事崇禎元年。崇煥再出鎮。仍以可綱爲中軍。請令可綱專防寧遠。且言可綱仁而有勇。不破公錢。不納私餽。敝衣糲食。不異士卒。事至善謀。其

欽定盛京通志

卷五十六

名宦四

三六

才不在臣下。臣向所建。豎實可綱力。詔加都督僉事。進右都督。三年。永平灤州失守。可綱連戰有功。尋復永平。加太子太保。已而錦州被圍。督諸將赴救。與祖大壽監築城。大凌河工甫竣。大兵十萬攻之。可綱堅守不下。糧絕援盡。大壽及諸將皆欲降。獨可綱不從。大壽令二人掖出城外。殺之。可綱顏色不變。亦不出一言。含笑而死。

本朝乾隆四十一年。

賜諡忠節。忠節附載

黃龍。江西南昌人。初以小校從復錦州。累官至
叅將。崇禎三年。從復灤州。功第一。遷副總兵。時
登來巡撫。請龍鎮東江。充總兵官。從之。龍抵皮
島。部將反。陷登州。龍急遣將撫定諸島。誅叛黨。
焚賊舟。擊走賊渠高成友。移鎮旅順口。大治兵
仗。賊拘龍母及妻子以脅之。龍不顧。賊來攻。復
禦之。斬賊魁十六人。奪還婦女無算。諸島皆賴
以安集。六年。

大兵攻旅順。龍被圍。力戰不勝。自刎死。贈左都督。又
欽定盛京通志 卷五十六 名四 三
遊擊李維鸞。自焚其家屬。力戰死。同時戰死者。
項祚臨。樊化龍。張大祿。尚可義。

本朝乾隆四十一年。

賜黃龍諡忠烈。李維鸞諡烈愍。項祚臨等祀忠節祠。

忠節附載。

沈世魁。遼東人。官東江總兵官都督僉事。守旅
順口。崇禎十年。

大兵破皮島。力戰死之。又金日觀。浙江浦江人。官協
鎮東江總兵左都督。與

大兵相持七晝夜。力不支。戰死。副總兵楚繼功亦歿於陣。

本朝乾隆四十一年。

賜諡烈愍。

忠節附載。

金國鳳。直隸宣府人。素懷忠勇。有捍禦才。崇禎十二年。

大兵攻松山塔山連山諸城。時國鳳兵僅三千。分兵悉力拒守。終不下。閱四旬。圍解。擢寧遠總兵官。是年十月。

欽定盛京通志

卷五十六

名宦四

罕

大兵復攻寧遠。國鳳憤將士恇怯。率親丁數十人。出據北山岡。鏖戰移時。矢盡力竭。與二子俱死。

本朝乾隆四十一年。

賜諡忠烈。

忠節附載。

揚振。義州衛人。世職本衛指揮使。天啓初。河東失守。歸路梗。其母自縊。振偕父及弟晝伏夜行。渡鴨綠江。抵朝鮮。入皮島。爲守禦千總。崇禎時。以功累擢副總兵。十二年。松山被圍。巡撫議救。援。諸將莫敢前。振獨請往。至呂翁山。遇伏。全軍

盡歿。振被執。令至松山說降。未至城里許。南向坐於地。命從官李祿告城中人曰。諸將援軍卽至。城中人聞之。益堅守。振祿皆被誅。

本朝乾隆四十一年。

賜諡烈愍。

忠節附載。

楊國柱。義州衛人。精騎射。以功佩將軍印。崇禎十四年。爲援遼總兵官。引兵救錦州。先至松山。陷伏中。

大兵四面呼降。國柱太息語其下曰。此吾兄子昔年殉難處也。吾獨爲降將軍乎。突圍中矢墮馬死。

本朝乾隆四十一年。

賜諡烈愍。

忠節附載。

邱民仰。陝西渭南人。始爲縣令。有治政。後擢巡撫遼東。崇禎十四年。

大兵圍祖大壽于錦州。民仰轉餉寧遠。偕洪承疇進至松山爲聲援。八月。五將皆潰。

大兵遂進圍松山。民仰誓以死守。十五年。二月。圍急。援絕。城破被執。民仰死之。

本朝乾隆四十一年。

賜諡忠節。忠節附載。

曹變蛟山西大同人。文詔從子也。才勇冠時。初隸文詔軍中。破山西湖廣陝西四川諸流寇。大小數十戰。斬馘無算。積功最多。賊咸畏大小曹將軍。歷官至援遼總兵。崇禎十四年。從洪承疇以十三萬眾救錦州。時錦州圍急。變蛟營松山北乳峯山。列七營於兩山間。環以長壕。及戰。軍潰。還保松山。

欽定盛京通志

卷五十六

名畫四

三

大兵圍之。明年二月。副將夏成德為內應。松山遂破。被執。不屈死之。

本朝乾隆四十一年。

賜諡忠烈。忠節附載。

王廷臣。沙河所人。官遼東都督同知。崇禎十五年。

大兵破松山。被執。不屈死之。又副總兵江翥。饒勳。兵備道張斗。姚恭。主之楨。監紀同知袁國棟。俱同時殉節。

本朝乾隆四十一年

賜王廷臣諡忠節。袁國棟諡烈愍。江翥饒勳張斗姚

恭王之植俱諡節愍。忠節附載。

朱文德義州衛人。後家錦州。崇禎初積戰功官

遼東松山副將。因忤監視中官高起潛斥罷。十

一年起原官。及城被圍。文德領前鋒拒守甚力。

城破不屈死。

本朝乾隆四十一年

賜諡烈愍。忠節附載。

欽定盛京通志

卷五十六

名宦四

三

李輔明遼東人。累官副總兵。崇禎初從祖寬南

伐。連破流賊於嵩縣海州確山。明年追破流賊

於滁州。加都督僉事。擢山西總兵官。被劾罷。洪

承疇出關使從征。既而楊國柱戰歿。遂代為援

遼總兵。十六年冬。

大兵薄寧遠。輔明馳援。力戰歿于陣。

本朝乾隆四十一年

賜諡烈愍。忠節附載。

楊倫前屯衛副總兵。以拒守陣亡。又前屯衛總

兵李鳴鳳前屯衛副總兵羅文耀寧遠總兵王定宸俱遼東人皆搜城拒守城破死之又自在州知州周繼謨朔平右衛人同時殉節

本朝乾隆四十一年

賜楊倫諡烈愍李鳴鳳羅文耀王定宸周繼謨俱諡節愍忠節附載

臣等謹案明季殉節諸臣其死事遼東者或守城致命或臨陣捐軀以至俘擒駢僇視死如歸當時

欽定盛京通志

卷五十六

名宦四

四

王旅徂征宣昭義問凡抗我顏行者自當悉從獮薙以明順逆顧其冒鎬撓鋒身膏原野盡誠亮節終始不渝恭遇我

皇上聖仁公溥覃被無私軫念忠貞發揚潛德

特命廷臣稽蒐史乘裒輯諸臣姓名考其生平志行

定專諡通諡之例悉予易名譔勝朝殉節諸臣錄宣示頒行並

御製詩篇冠諸簡首俾忠節之氣久而益伸近復勅查熊廷弼袁崇煥後裔

加恩錄用表式孤忠臣等伏考前史所載累朝代嬗之際從未有故國遺忠得邀易名之典者今廼

綸言特沛兩字褒榮使勝國遺臣咸得邀恩泉壤是聖世旌揚之渥典實為曠古未逢之盛臣等奉敕纂輯

盛京通志詳查史傳其死事遼東諸臣俱附載名宦門其係遼人而臨難捐生成仁取義者俱列入忠節門謹將

欽定盛京通志

卷五十六

名宦四

四

錫諡之由附識卷端俾知崇獎忠貞益以風勵臣節聖人植紀扶綱大公至正之心天下萬世莫不共仰焉

欽定盛京通志卷之五十六